

10067  
219





皇朝文獻通考卷二十九

征權考

鹽



乾隆元年正月弛窮民販鹽四十觔以下之禁停

止商人私僱鹽捕及巡船汛兵以除累奉

諭旨私鹽之禁以大夥私梟每為盜賊逋藪務宜嚴加

緝究然恐其展轉株連故律載私鹽事發止理人鹽

並獲其餘獲人不獲鹽獲鹽不獲人者概勿追坐至

于失業窮黎肩挑背負易米度日不上四十觔者本



不在查禁之內乃近見地方官辦理私鹽案件每不問人鹽會否並獲亦不問販鹽餉數多寡一經指拏輒根追嚴究干累多人至于官捕業已繁多而商人又添私僱鹽捕巡鹽船隻凡遇奸商大梟公然受賄縱放而窮民擔負無幾輒私拘執或鄉民市買食鹽一二十餉者並以售私拏獲此弊直省皆然而江浙尤甚朕心深為憫惻著直省督撫嚴飭各府州縣文武官弁督率差捕實拏奸商大梟勿令私縱其有愚民私販四十餉以上被獲者照例遠結不得拖累平

人至貧窮老少男婦挑負四十餉以下者概不許禁捕所有商人私僱鹽捕及巡鹽船隻帶捕汛兵俱嚴查停止毋得滋擾地方

又改浙江巡撫為總督管理兩浙鹽政浙江布政使張若震奏稱藩司之職經管直省錢糧難以兼管鹽務奉

諭旨大學士嵇曾筠現為浙江巡撫著改為總督兼管兩浙鹽政浙省海濱之地向來鹽價每餉不過數文今加一倍且有不了一倍者小民甚為不便嵇曾筠



可悉心調劑使之平減俾商民均受其益

又裁汰滇省鹽課盈餘以平鹽價奉

諭旨朕聞滇省鹽價昂貴每百觔自二兩四五錢起竟有賣至四兩以上者邊地百姓物力艱難僻壤夷民更爲窮苦每鹽價太貴有終年茹淡之事朕心深爲軫念查該省鹽課除正項外有增添盈餘以備地方公事之用朕思盈餘之名原係出於民力充裕之後若民食不充自無仍取盈餘之理著總督尹繼善悉心妥辦將盈餘一項卽行裁汰令鹽價平減縱使昂

貴亦只可在三兩以下若裁去盈餘之後公用有不敷處另行酌議請旨

減廣西鹽觔價值先是廣西鹽引因商人無力承辦於雍正元年經督臣孔毓珣題請官運官銷借動庫銀將鹽本赴廣東納價配鹽分給各州縣照部定價值發賣行之二年已有盈餘遂將通省鹽價照部定之數每觔減價二釐百姓稱便雍正五年又經孔毓珣奏稱粵西鹽觔自官運官銷以來已無鹽缺價貴之虞應請照原定部價一體銷售



不必裁減二釐經部議准至是奉

諭旨食鹽乃小民日用之需部價既多二釐則民間所費必不止於二釐廣西地瘠民貧道路遙遠應令鹽價平減以惠閭閻自乾隆元年爲始著照雍正元年原題每觔減去二釐銷售該督撫可嚴飭各州縣不許加增分毫務使小民均沾實惠

暫停浙江鹽政領發餘引大學士浙江總督管理鹽政嵇曾筠奏查兩浙正引每年共七十萬一千六百九十八道雍正七年間前督臣李衛預請餘

引額目十萬道經部議准鹽多增配鹽少續銷贏縮隨時原不拘定成數嗣後則步趨前例必欲取盈遞年增至二三十萬引不等查上年冬掣不敷正額今屆夏掣竭力趕煎祇可照正引捆運暫停請領餘引贏之

又議准浙江鹽務四條大學士浙江總督嵇曾筠條奏浙江鹽政四條一商捕難裁請盡改爲官役報明地方官造入卯簿以便約束一水路巨梟積販原藉兵役駕舟巡緝請將緊要隘口令有司會



皇朝文獻通考 卷二十九  
同營汛逐一確查編號造冊以備巡緝之用一巨商領運鹽觔自應一引一鹽若飛渡灌包夾帶引鹽相離殊非鹽法定制應飭巡船弁兵一體查拏究處一巡緝私鹽應以功過之大小定賞罰之次第嗣後巡鹽兵捕能拏獲私鹽船隻應分別賞給有差部議應如所請從之

定漁戶領鹽例兩江總督趙宏恩奏覆酌籌鹽務事宜經部行查各款逐一明晰咨部查漁戶領票赴買之鹽除淮分司所屬場分歷來並無海關照

票亦無完課之處至通泰二分司所屬各場每逢魚汛之期沿海民居僱備船隻先赴海關投納船稅請領照票本關驗明該船梁頭尺寸九尺以上爲大船八尺以上爲中船七尺以上爲小船票內填定舵工船戶姓名並大中小尺寸漁戶執票赴場場司驗票大船給鹽三千觔中船給鹽二千觔小船給鹽一千觔漁戶買鹽出洋採捕汛畢歸港報明場司查驗該船得魚若干如魚少鹽多卽令將餘鹽歸垣售商如魚多鹽少漁戶卽投醃切牙



皇朝文獻通考 卷二十九 五  
行照魚數買鹽復醃仍照魚數于狼鎮投納餉稅  
然後裝赴江南貨賣此外並無完納別項課銀再  
報稅用鹽俱以魚數之多寡爲憑此等船隻承潮  
雲集赴場則多報魚數希圖混冒鹽餉赴關則少  
報魚數希圖脫漏稅課關場官役勢難盤查實數  
每多受其欺蒙應飭令各場員每年汛畢漁船進  
港該船報明捕得魚數一面查核用銀之多寡一  
面將各船魚數咨呈狼鎮收稅衙門如漁戶投稅  
少報魚數聽收稅衙門查究則漁船不敢捏報冒

鹽亦不敢減數漏稅應飭行爲例下部議行

又定浙江增餉改引例奉

諭旨浙江海濱地皆斥鹵向來鹽價甚賤居民稱便十  
餘年來鹽價增長近則加至二三倍不等朕再四圖  
維並留心諮訪鹽價之貴固在于場鹽少產亦由于  
商本艱難惟有使商人鹽餉充裕則鹽價自然平減  
今酌定增餉改引之法將杭嘉湖三所引鹽循照兩  
淮舊額每引加增鹽五十觔連包索共重三百三十  
五觔至松江一所原爲海濱產鹽之區向因額設季



引九萬餘道分別上中下三則征收正課公費銀五萬四千餘兩遂使近場州縣多有鹽貴之苦今循照沿海温台等處之例改行票引九萬餘道每引給鹽四百觔令商人設店住賣如此增觔改引則商本寬裕轉輸便易庶可復還數十年前之原價以便民用又以運河挑淺預運鹽觔酌寬商人納課限期奉諭旨淮揚運河于來歲挑淺鹽船不能行走民食所關必須先事綢繆預爲捆重運至儀所以便源源運往口岸計得預鹽七十萬引但商人行鹽原係陸續完

課以次轉輸今旣預運七十萬之引鹽卽須早完七十萬引之正雜錢糧商力未免竭蹶查鹽務正雜錢糧商人向分三次完納首先完銀謂之請單其次完銀謂之呈綱最後完銀謂之加觔此舊例也今朕寬緩其期將此預運之引鹽所有請單呈綱兩次應納錢糧准于加觔時一併完納俾商力寬舒得以從容辦課至淮北引鹽亦由運河經過所有預運鹽觔十萬餘引亦照此例行嗣以預運與正運一齊趕辦恐其中仍不免竭蹶令將淮南丁巳綱正運引鹽未



築壩以前運到儀所過掣者其應納請單呈綱錢糧各先完納一半餘聽陸續完納總限奏銷之時全數通完俾商人更得通融辦理

裁滇省鹽課盈餘并除分派烟戶食鹽之弊先是滇省鹽價昂貴每百觔價至四兩以上者

勅諭滇省督臣裁減盈餘以平鹽價續於是年又奉諭旨各省鹽政辦理之法各異如雲南所產井鹽俱係府州縣領銷派定額數由各鹽井領運分銷辦課不許越界販賣通行已久兩迤衝繁之處人民輻輳不

難照常銷引間或缺鹽借之鄰近州縣通融協濟其山僻州縣鄉村窳遠居民鮮少地方官恐蹈墮銷之咎關碍考成遂將鹽勛分派里甲挨戶分食官鹽按限繳課名曰烟戶鹽小民家口多者可以照數納銀若貧民家口無多餘鹽未曾食盡及期催追前課未完後派又至輾轉積累懸欠難償夫鹽爲小民日用必需之物慮民遠涉是以因地制宜不徒爲銷引計也一則患鹽之不足一則患鹽之有餘俱非均平之道著該督撫酌量變通悉心妥議務使官不墮銷民



無偏累戶部行文該督經督臣尹繼善等疏奏仍下  
戶部議覆除井地賣價每百觔自二兩內外至三  
兩以內者毋庸置議外其黑井等井鹽觔運至昆  
陽永北建水保山嶧峨開化石屏等處行銷鹽價  
每百觔既自三兩一二錢至四兩一二錢不等應  
令該督等遵奉

上諭減至三兩以下至鹽觔派散烟戶多由鹽不能銷  
官慮考成所致自應酌量變通改撥調劑其白井  
墮銷鹽九十萬觔照依該督等送部原冊改撥省

店並元謀等州縣行銷白井井東按板改板等井  
煎鹽共八十四萬一千六百觔其鹽課及本欵盈  
餘銀兩相應一併准其豁免滇省每年正項鹽課  
銀二十七萬六千三百三十九兩七錢零今除豁  
免銀一萬四千三百九十餘兩尙應徵課銀二十  
六萬餘兩應令該督尹繼善等造入鹽課奏銷冊  
內具題查核疏上如議行

臣等謹按滇省地處極邊水程難達自後漢時夷  
人歲輸鹽一斛以爲常賦至明季而分井各置鹽



官我

朝因之順治十七年給票易引以出鹽多寡定經制課程各隨商販照例抽稅雍正二年於鎮沅府地方開按板井於威遠地方開抱母井三年於普洱地方開磨黑井元江府地方開猛野土井合之白珥雲龍安寧阿陋等共十五井地不愛寶鹽井已視前加闢而昇平日久生齒繁庶苗猺夷獯仰食於各井鹽飭是以鹽價日昂

皇上裁減盈餘以核定鹽價爲民食計者至周且渥而因地制宜改撥調劑則一時酌盈劑虛裒多益寡之道並著於此矣

二年免兩廣鹽課餘平銀兩戶部議准兩廣總督鄂爾達疏稱兩廣鹽課商人完餉每一千兩於平頭三十三兩之外征收飯食銀十五兩其餘率二十五兩全行免征應如所請從之

四年議准古州行食粵鹽先是乾隆三年戶部議准兩廣總督鄂爾達疏稱貴州省古州地方原係新闢苗疆向無官引行銷係俱買食准鹽價值甚



昂民苦食淡經臣于雍正十年七月內奏明撥發  
帑鹽委員運往該地試銷每觔定價一分二釐聽  
該地方民苗買食題增引餉欽奉

諭旨允行嗣查古州試銷帑鹽將及五載委員料理民  
苗稱便但思官辦究非常策自應招商認引行鹽  
以定章程咨商貴州督臣轉行鹽道核議茲據驛  
鹽道黃岳牧詳稱黔省司道所議從前于古州設  
埠試銷之始恐僻遠居民未能遍及是以于丙妹  
永從三角壘等處俱設子埠以便民屯就近買食

今試銷五載日漸疏通應以古州爲總埠分撥銷  
售其商人亦應聽古州同知管理每年銷引應請  
定額四封計引三千八百道遞年按引輸餉歸古  
州同知衙門督征銷解所有應輸餉銀應請照粵  
東次輕之保昌埠例每封餉銀六百二十七兩五  
錢三分有奇遞年額引三千八百道共應輸餉銀  
二千五百一十兩一錢四分有奇所有鹽觔亦照  
東省各埠每引行鹽二百三十五觔自乾隆四年  
行銷乾隆三年引鹽爲始彙入東省額內造冊奏



銷每觔應照定價賣銀二分一釐毋許絲毫增長  
應如所請從之至乾隆六年復於銷買引鹽酌減  
價銀案內每觔減銀二釐

停止浙江省儲備鹽觔先是管理浙江總督嵇曾  
筠疏稱請動道庫帑羨收買餘鹽入厥存貯以備  
平價之需至是巡撫盧焯奏稱出易之時分派各  
商脚費甚重鹽觔消耗力不能賠勢必取償于賣  
價不但累商并以累民是貯鹽一事殊有未便部  
議應如所奏將儲備鹽觔永行停止從之

又以兩浙鹺政分隸江南

勅江南督撫提鎮督率所屬稽查私販奉

諭旨江南蘇松常鎮四府及太倉州皆邊海鄰場爲浙  
鹺門戶該地方文武官弁倘或巡緝懈弛必致有妨  
引課而藉端滋擾又必有累平民著江南督撫提鎮  
諸臣時飭所屬官弁實心稽查善于辦理務期有裨  
公事不擾閭閻勿以爲鄰省之鹽政而淡漠視之

又免雲南各鹽井歸公之項及黑井鍋課銀兩奉  
諭旨雲南黑白琅等鹽井舊有規禮銀二千八百餘兩



歸入公項下爲公事養廉之需在于每年發給薪本銀內扣解在當日柴價平減竈戶猶能供辦聞近年以來童山漸多薪價日貴兼之鹵淡難煎所領薪本不敷購買柴薪之用竈戶未免艱難所當酌量變通以示存恤著將白琅二井節禮黑井鍋課銀兩免其扣解俾竈戶薪本較前寬裕所有公項不敷統于銅息銀內撥補放給

六年議准酌加淮鹽引價成本先是乾隆四年十一月太僕寺卿蔣漣奏兩淮運地極廣鹽價日昂

小民甚受其累請仿照長蘆之例官爲定價湖北巡撫崔紀奏湖廣通省行銷淮鹽蒙

世宗憲皇帝特差吏部侍郎黃叔琳等酌定價值迨雍正二年鹽臣噶爾泰奏海潮淹沒鹽場倍增成本懇祈隨時銷售部議覆准至乾隆二年部議據鹽臣三保撫臣崔紀開列成本數目互相參校請

旨并交接任鹽臣準泰秉公查察巡撫徐士林會同確核定議旋經撫臣鹽臣等會議查南鹽草本之資包索水脚之費辛工火足之用掣鹽之裝載三汊



皇朝文獻通考 卷二十九  
河之起駁揚州漢口之商駁灣頭關鈔之稅課及  
織造銅筋河餉等之銷算引窩根窩之租息合之  
引課定額按照閣部會議通盤酌核賤價時每引  
應需成本銀五兩三錢七分三釐八毫零每包一  
錢三分八釐每筋一分五釐六毫零至貴價時每  
引應需成本銀五兩七錢八分二毫零每包一錢  
三分八釐六毫零每筋一分六釐八毫零按欵造  
冊大學士會同戶部議覆應如所請奉

旨依議至是巡撫徐士林奏恤商正以惠民懇加給准

商餘息每引三錢至七年九月兩淮鹽政準泰奏  
場竈爲行鹽根本連遭水潦商運艱難懇再加每  
引餘利三錢下部議駁奉

旨今年江省被水非尋常可比著照依該鹽政所奏以  
次年四月爲限不得爲例

七年定福建鹽務歸水商辦理並定該省行鹽引  
額戶部議覆閩浙總督那蘇圖等奏鹽法定例自  
應以部引爲憑商領引以行鹽官按引而徵課方  
可無那移影射之弊閩省除汀州一府尙食粵鹽



外其餘各府州縣舊額共部頒引一十萬九千九百二十二道每引配鹽多寡不等額征正課及額征坵折銀共九萬四百六十一兩六錢嗣經定例將鹽院衙門及商人盡行裁革援照粵東瓊州竈戶征課之例均派各場交與各府州縣照數收納解司上游西路延建邵三府屬下游福興泉漳福蒲潯兩惠浯浦詔各場俱係官運其餘各縣或招水客行運或聽民販在場完課挑賣漳州府屬之龍溪海澄南靖長泰平和龍巖漳平寧洋八縣在

于石碼設館征課奏准遵行並未請引至雍正六年十年節經督臣先後請奏閩省之鹽全歸商運惟永安一縣仍留官運更有福州府屬之長樂福清泉州府屬之晉江同安或係附場之邑或係產鹽之區非官運不能遏絕私梟毋庸招商其漳州府之漳浦海澄長泰平和詔安暫委官運現在招募水客承充亦經奏准遵行而歷年因循至今並未請引查閩省鹽額原額九萬四百六十一兩六錢零又經裁革鹽院各官雜費歸公銀八萬二千



二百一十兩又雍正元年以後陸續陞報坵折銀三百七十三兩八錢零共銀一十七萬三千四十五兩五錢零內除原額及新陞坵折共銀一萬三千八百八十五兩七錢零另行解部外實存銀一十五萬九千一百五十九兩七錢零此項額征有年自應定爲正引內西東南三路及各縣澳共應給引五十四萬五千六十五道合之西路鹽餉銀兩連雲澳額課及臺灣鹽坵餉銀徵課如額應令僉商分地行銷定爲正課其附近場地各縣仍歸

官辦又前經戶部議准督臣郝玉麟以閩省銷鹽旣招水客承充應酌定盈餘均勻配塔此項盈餘銀一十四萬一千六百九十八兩六錢零歷年征收並未缺額似應定爲餘引其東西南三路及各縣澳共應給餘引四十萬六千九百四十四道及連雲澳台灣頒發餘引定爲盈餘額課再此外每年尙有盈餘銀兩每年西路約發餘引二萬三千道東南二路及各縣澳約發餘引十萬道應額外銷算不入年額考成之內尙有存剩餘引繳部查



銷均應如所奏辦理得

旨如議行

又議准勻銷粵鹽商引酌量改撥並將沿海鹽場改種稻麥以重本計戶部覆准署理兩廣總督慶復條奏粵省各商埠地遠近不一其近在場窰之埠因各場產鹽日多鹽價日賤民間多食就近私鹽而官鹽壅滯難銷此名曰難銷之埠其離場地稍遠界近鄰省雖運費加增民多買食此名曰易銷之埠請將難銷埠引勻撥于易銷之埠配運行

銷應如所奏辦理如有勻出埠地轉難爲易或受勻之埠別有難銷仍准臨時酌量題請改撥又沿海鹽場太多宜改稻田以絕私販之源查鹽筋米穀均關民食而產鹽之區日多究不若產米之地日墾粵東鹽場前據侍郎吳應棻等奏請改爲稻田臣部原恐產鹽或有不敷民食無以接濟且已墾鹽田均係斥鹵諒難改種穀麥是以無庸置議查粵場近年以來正鹽之外收有餘鹽出產甚多四處充溢應如所奏將離場寫遠之鹽場飭改稻



田數經雨洗即可改種稻麥從之

又准四川蓬溪等處積滯鹽引改撥行銷戶部議  
覆四川巡撫碩色奏稱蓬溪一縣于雍正九年計  
口授鹽時原額祇陸引四百九十七張嗣復增一  
千三百五十二張又增水引一百七十八張較原  
額三倍有餘又瀘州仁壽縣松潘廳均有積滯引  
張難以行銷今查有德陽等十三縣均以食指漸  
繁額鹽不敷情願各就近便認銷應如所請將蓬  
溪等四廳州縣積引二千二百五十一張自乾隆

八年為始酌量改撥于德陽等處就近行銷得

旨依議速行

以揚淮鹽務道事歸併揚淮道管理戶部議淮揚  
海一帶地方場竈俱係淮揚道所屬其通州地方  
場竈亦與該道所屬毗連請將鹽務道所有事宜  
俱責成淮揚道管理青山頭守備三江營陸路守  
備及各營弁丁并原設巡役俱聽鈐束從之  
八年議准兩淮乙卯綱未完引領提入癸亥綱閏  
月內帶銷戶部覆准兩淮鹽政準泰奏稱兩淮引



鹽經前任鹽政三保奏請自庚申綱起將乙卯綱引鹽照帶戊之例分作十年帶銷今乾隆八年遇有閏月現行癸亥綱引既不敷民食自當通融酌辦以資接濟應如所請將己巳年淮南應帶乙卯綱引一分提入癸亥綱內帶辦得

旨准行

九年改撥川鹽接濟滇黔兩省民食戶部議覆四川巡撫紀山疏稱滇省東川等處鹽勛不敷民食經滇省督臣奏請改撥川鹽接濟查犍爲各廠坭

有餘鹽可以增引行滇應令照富順原行水引一百五十張折增陸引一千八百七十五張自廠順流運至宜賓縣換截引紙水小之時督商運至鹽井渡若時屆大水仍聽由筠高長寧等縣換截引紙運至川滇口岸令滇省民人商販接運發賣其犍鹽入滇務令川省換截各衙門將截過引數日期移明滇省查察其應征課銀查川省水引一張征稅銀三兩四錢五釐陸引一張征稅銀二錢七分二釐今以折增陸引一千八百七十五張按引



徵稅應令該撫飭令隄爲縣照現行折增陸引數目按則征收造報至行滇引鹽既于宜賓換截自應照例刊入引紙以便換截配運其黔省施秉縣及鎮遠縣屬之西南北三隅均係沿邊買食川鹽地方應令一併刊入引紙從之

十年添鑄煎鹽盤角兩淮鹽政吉慶奏言臣前因兩淮所產之鹽僅敷年額並無積餘足備緩急是以籌議奏明添鑄盤角二十七副較之鐵煎費省產多甚爲便利自應多爲添鑄以資廣產而備儲

蓄兩淮煎鐵向係商人呈明開鑄茲添鑄盤角應無論商竈如有情願備資自鑄者許其循照往例呈明官爲稽察從之

又議准兩廣鹽法八條戶部議覆兩廣總督那蘇圖條奏兩廣鹽法一商欠宜分年帶征以清帑項一催追商欠宜酌定議處議敘之例以示勸懲一現在埠商宜秉公甄別以肅鹺政一運鹽到埠宜令地方官先收鹽價以專責成一加增各埠鹽包宜盡行革除以清鹽法一緝捕私鹽宜頒發賞格



皇朝文獻通考 卷二十九  
以示獎勵一各屬鹽規宜責令首報一運司分司  
鹽庫宜徹底清查以杜侵冒俱應如所請從之  
又定淮揚預運鹽劬每引加鹽之數是年淮揚之  
串場等河築堤挑濬鹽舟不能行走其丙寅新綱  
預先趕運

特旨諭令請單呈綱兩次應納錢糧俱緩至加引時一  
併完納又以預運鹽劬堆積垣所不無滷耗著照  
乾隆二年之例凡本年十二月三十日以前到所  
新鹽每引加耗二十劬自是每恭遇

南巡省方之歲皆奉

諭旨加耗如例

又准兩淮食鹽撥于綱地行銷兩淮鹽政吉慶因  
山清等八州縣食鹽壅滯屢次奏請通融酌銷以  
三分留運本地以七分撥運綱鹽口岸行銷戶部  
照例議覆不准所請奉

諭旨通融撥銷鹽引自于商人有益其夾帶影射之處  
該鹽政等亟當實力稽查以清弊竇著暫准其所請  
俟一二年後食鹽疏通之日該鹽政奏聞仍照定例



辦理嗣于十一年四月以淮南寧國等縣壅積食鹽  
經鹽政奏請通融行銷戶部仍按例議駁

上以事同一例准其所請交與該鹽政遵照淮北之旨  
一體辦理

十一年豁免海贛二州縣鹽場帶征銀兩奉

諭旨淮安分司所屬坐落海贛二州縣之板浦徐瀆中  
正莞瀆臨洪興莊等六鹽場乾隆十年以前未完折  
價帶征銀兩一體豁免

十二年定淮鹽運楚限期並建常平鹽倉于漢口

鎮戶部議覆湖廣總督鄂爾達奏言淮鹽運楚船

大難行改用小船得以速運請將現在可裝四百

引以上至一千二百引之船准其常行裝運其水

程日期擬裝四百引及五六七引之船定限一

月到漢其裝八九百引以至一千二百引之船定

限四十日到漢逾限十日以外卽比照凡差送起

解官物違限例笞二十以每五日加一等科斷又

漢口建造常平倉廩以存貯歲年未銷積引自是

有備無患查倉基舊址有二十三處雖或經棄置



皇朝文獻通考 卷二十九  
或經改造請卽飭令各商仿照從前倉房酌量修葺仍轉飭鹽道于場鹽旺產水滿風便之時督令各商預爲多運存貯以備接濟從之

十三年加給兩淮引額鹽飭兩淮鹽政吉慶奏稱兩淮綱食引鹽近因蒲草歉產包索減輕鹽飭易致虧折仰請量予加增俟蒲草豐時奏聞停止奉諭旨于引額之外每引增給十觔俾商本不致虧折民食永資利益

十四年以長蘆鹽臣請增課額傳

旨申飭交部察議長蘆鹽政麗柱奏稱大軍凱旋辦理一切善後事宜官兵糧餉等項在在需用其撥協軍餉之各省歲支俸餉亦所必需請照康熙十四年之例蘆東每引增銀五分並請飭令兩淮兩廣河東浙江等省一體按引增課奉

諭旨金川用兵供億固爲浩穰但國家公帑所儲儘足敷用且康熙十四年增加鹽課原因開創未久正供缺乏今時勢懸殊豈可援以爲例麗柱著交部察議又議准粵省鹽引按年酌撥運銷戶部議准兩廣



總督碩色奏言粵省難銷埠地共有順德等四十  
二埠易銷者計有連州等三十六埠奏請將難銷  
各埠積引撥交易銷之埠代為運銷三年一撥造  
冊報部惟是近場難銷之埠尚不止于四十二處  
此外如仁化江浦乳源陽江長樂等二十餘埠亦  
皆屬近場疲爛之區與其三年之後方始造冊報  
部致有在外私融之弊莫若按年隨時酌撥據實  
報部且查閩省鹽法遇有難銷額引俱係按年隨  
時酌撥彙冊報部閩粵事同一例自可援照辦理

從之

十六年豁免兩淮竈戶未完折價帶征銀兩奉

諭旨兩淮竈戶僻處海隅專以前曬鹽筋為業其生計  
更窘于農民殊深軫念所有乾隆二年至十四年因  
災停緩帶征各未完折價共四萬二千餘兩著加恩  
照民戶例一體豁免

臣等謹按場竈為鹽法根本之地竈丁為鹽場作

苦之民故竈戶之勤與農家等蓋竈丁終年盤斂  
之間畜蕩草勤淋曬謹火候伏陰晴薄寒盛暑不



得休息展四體之力僅足以給衣食我

皇上軫念細民咨詢疾苦憫其生計更窘于農民數年  
逋欠盡予豁免計通州分司所屬各場曰豐和曰  
掘港曰石港曰西亭曰金沙曰呂四曰餘西曰餘  
東曰角斜曰耕茶泰州分司所屬各場曰富安曰  
安豐曰梁垛曰東台曰何梁曰丁溪曰草偃曰小  
海曰劉莊曰伍祐曰新興曰廟灣曰板浦曰中正  
曰臨興凡場有竈竈有戶戶有丁丁有額家人婦  
子棲息于濱海斥鹵之地按冊考數可以坐計而

周知大抵兩淮鹽場執業約有二端淮南之鹽熬  
於盤其形散淮北之鹽晒于地其形顆鹽成輸賦  
爲民食之源

國家所以保護而生全之者旁皇周浹無不曲至自  
是年豁免帶征折價之外有蠲恤以救其歉收有  
借給以免其稱貸雖煮海編氓漸有家給人足之  
象

睿慮所經不使一夫不獲其所也

循旨加兩淮綱食引額鹽勛奉



諭旨朕省方所至廣沛恩膏因兩淮商衆運綱輸課接濟民食著將兩淮綱鹽食鹽于定額外每引加賞十筋不在原定成本之內減一分售鹽之價卽利一分食鹽之人其有昂值綱利致累閭閻則深負德意矣該鹽政其通示商衆知之

又免兩淮追繳鹽引貴價盈餘並令淮商嗣後不得于貴價外另增價值兩淮運銷丁卯戊辰己巳三綱引鹽皆照原定貴價曾經部駁追繳鹽政吉慶奏請免追戶部仍照例議駁奉

諭旨向來各省鹽引原聽其自相交易無官爲限制之例長蘆河東至今尙然惟兩淮行運江楚鹽引適因崔紀沾各三保庇商兩持異議始將各商運楚成本分別定以賤價貴價然自定價以來商人總以貴價銷售至今夫恤民裕商本屬一事若任其屢擡時價日引日增則于民食有害然勒令賤價則該商等又以成本有虧不免紛紜籲請今計各商比年行銷價值于成本自可無虧而來卽藉口年歲不齊料亦不過如今之所稱歉年而止耳嗣後淮商銷售引鹽卽



遇應貴之年亦不徂于現在所銷價值外復議稍有  
加增庶可示以限制至于歲事豐稔鹽價可以酌量  
平減則令各該督撫會同鹽政等隨時籌畫妥辦部  
臣亦不必固執定例徒滋駁詰之繁庶于商民均爲  
有益至于部議已奪貴價復令商人追繳之處事理  
亦屬難行若云買書在民則仍應給還食鹽之戶于  
勢固有所不能否則以商人市值所餘而歸之官帑  
于政體尤有所不可總之民間物價本自不齊祇可隨  
時調劑不能概繩以官法卽如人生日用最急者莫

如食米一項今謂意在恤民而欲官爲立制務使市  
價損之又損閭閻皆得賤食意則善矣欲其行之于  
事能乎不能乎國家休養生息百有餘年戶口繁衍  
自古希逢之盛會人庶則用廣用廣則價昂此一定  
之理經國者要在務知大體而于事勢通變羸縮之  
備間爲之補偏救弊俾庶政皆得其平卽所以嘉惠元  
元者不外是矣因議鹽法故推類及之而因時立政  
之道實不外此將此傳諭中外知之

又借給兩淮鹽丁公項銀兩兩淮鹽政吉慶奏言



兩淮各場煎丁本屬窮民專以前晒鹽勛為業每  
因鹽勛不能接濟向各竈戶重利借貸以資日用  
生計甚為拮据奉

諭旨該鹽政酌量于公項內動銀數萬兩准其赴官借

領每年春借冬還不必加息務須妥協經理俾濱海

窮丁咸沾實惠會人熟慎民窮

事又酌減河東餘引四萬道并更正陝西咸寧等處

買升斗照依部式軍機大臣議覆河東鹽政西寧條

奏酌減河東餘引一摺奉

諭旨河東商人營運資本原非兩淮可比歷年餘引存

積既多自難一時銷售但向來頒給餘引本為廣濟

民食起見例准儘銷儘報並未責其按數全完何至

領運不前藉稱商本銷乏或由商人等以每歲餘引

既有額頒則于銷未及額之中究不敢過為減少而

司權政者因視為考成所繫雖儘數銷報之項亦未

便任其贏縮懸殊此總總過計所由慮其辦理拮据

也此項既屬餘引嗣後部臣亦不妨量為酌准以示

體卹朕加惠商民原無二視著照軍機大臣等所請



令該鹽政會同山西陝西河南各該撫將實在民官行銷及商人承辦各情形詳悉熟籌疏引裕商一酌議具奏嗣經三省撫臣及鹽政會議合詞具奏查得晉省太原汾州寧武三府遼沁平定忻代保德等六州例銷河東之引或食本地土鹽或食蒙古達鹽州縣各按引征稅名曰鹽稅陝西鳳翔一府邠州屬之長武縣例銷河東之引食花馬池鹽州縣按引徵課名曰鳳課長武課此官民行銷之情形也引既無多鹽復任便經久相安稅課不誤無可

置議其晉省之平陽蒲州潞安澤州四府解絳吉隰四州陝西西安同州二府邠乾商興四州豫省之河南河陽二府陝西二州許州屬之襄城共一百二十四州縣例銷河東之引食河東池鹽俱係商人認地銷引凡出關出場覓脚轉發所認地方或用升斗或計觔兩遵照定價聽民買食如有額引不敷之處請領餘引接濟此商人承辦各情形也查河東餘引自雍正十三年至乾隆五六兩年陸續增添至二十四萬道若如該鹽政所請遽減



十分之三核計減數已至七萬二千道較之歷年未銷之數反覺過多不若將續增餘引四萬道暫爲酌減其餘引二十萬道作爲定數至所稱陝省咸寧等十二廳州縣查明升斗較報部之數加重應請改正並運銷豫省鹽劬請由水路運發以省脚費均屬恤商疏引之舉應悉照該鹽政等所議辦理從之

又議准滇省鹽政五條戶部議雲南巡撫愛必達條奏一滇省原定鹽價低昂不齊請按照地方情

形統行酌定數目每百劬自一兩五六錢至一二兩三兩不等與乾隆元年欽奉

諭旨每百劬總在三兩以內之數相符一滇省鹽斤惟黑白兩井額煎最多黑井鹽概運省店行銷白井鹽分運大理等府屬行銷其雲龍安寧琅阿陋草溪麗江景東抱母各井或分給近便府州縣行銷或卽令本府兼辦均係歷年各按應徵課款開報奏銷嗣于乾隆四年奏撥川鹽二百四十餘萬又奏運粵鹽以致鹽多壅滯自應量爲增減原題川



鹽另行撥銷並將增減改撥數目開造清冊送部  
一各井員離任交盤應將支發薪本流滷及鋪販  
鹽勛各項應追應接統于冊內分別條款交代一  
滇省行鹽井官專司督煎則奏銷督征職名自應  
免其開列至該管知府有督征之責行銷未完者  
應開列請叅全完者亦應開列請敘以上均應如  
所議辦理一滇省井官督煎有無墮悞作何議敘  
議處亦應如所奏督煎井官如按年足額准照課  
款全完五萬兩以下議敘之例紀錄一次其墮煎

官亦照輕重分別議處得

旨如議行

十七年

勅長蘆加勛商鹽減半納課並豁免應追未完鹽課加  
勛銀兩奉

諭旨從前長蘆各商積欠甚多令于每引加鹽五十勛  
分派行銷續經部覈每年應增課銀八萬九千餘兩  
但蘆商積困之餘舊欠甫清若按勛加課商力未免  
拮据著將所加鹽勛減半納課永爲定額其乾隆二



皇朝文獻通考 卷一百一十九  
三十一  
年至六年應追未完加勛課銀一十四萬餘兩著二併加恩豁免

十八年准長蘆添領餘引七萬道長蘆鹽政吉慶奏長蘆額引而外向設餘引五萬道今乾隆十八年領到餘引均已分領全完就現在暢銷情形通計本年應運引數前領餘引實在不敷銷售應請再領餘引七萬道連前共合十二萬道存貯運庫庶可乘此場鹽旺產之候多爲領運使引地皆有貯積民食不虞缺乏疏入報可

免天津餘引輸納課銀軍機大臣議覆直隸總督方觀承等奏言天津縣老少牌鹽影射滋弊仍舊折給錢文俾老弱貧民餬口有資牌鹽旣去而引鹽計本取值則民食皆須增錢買鹽與民情亦多未便若使商鹽仍照牌鹽之價亦虧運商成本請以天津所銷餘引免其輸課惟額引照例輸納從之

十九年禁止蕩草出境販賣戶部議覆兩淮鹽政吉慶奏稱通泰二分司所屬各場俱係淋漓煎鹽



而其法卽將煎鹽之草灰攤晒淋滷熬成鹽觔是以沿海草蕩俱撥給竈戶供煎歷禁開墾占賣蕩內產草二種白者力大較旺灰滷沈厚紅者稍遜總以供場竈之燒煎不容出境販賣乃各場竈藉口紅草曾有出賣每將蕩草私販出場轉至煎辦無資查鹽法誌載止有放荒蓄草之條而私販蕩草該管場員分司州縣並無處分之例應照管理礦廠官員私運銅鐵出廠不行查出罰俸一年至產草極豐之年供煎有餘紅草仍聽酌量轉售白

草雖遇豐收仍禁止販賣以裕竈煎疏入報可

十月定鎮雄州歲解鹽觔仍歸商辦設口抽稅戶部議准雲南巡撫愛必達條奏滇屬鎮雄州地方歷係行銷川省邊引鹽觔聽商販自行運售今旣官爲辦銷若聽威寧鹽販經由過往查察難周必致販商充斥官鹽墮銷若概令禁阻則威寧川販雖向由永寧畢節一路運銷而自開羅星渡以來卽俱由羅星渡轉運享便捷之利已久一旦阻止令其遶道赴威又恐于威寧民食額稅致多掣肘



官商實有不能並行之勢應將鎮雄官鹽停止仍聽商販行銷于鎮雄總匯扼要之處酌設稅口抽收每馱一百六十觔抽稅銀一錢八分試抽一年再行題請定額從之

二十年議准兩淮新淤草灘悉照埭餉給陞戶部議覆江蘇巡撫莊有恭奏言泰州分司所屬十二場除何梁一場新淤尚屬不毛外其餘十一場共丈出有草新淤八千六十一頃八十一畝零原應給各竈戶報陞但版籍竈戶並不盡業煎鹽現煎

場埭亦不盡皆竈業自應分別給陞查富安安豐

梁梁東合丁溪劉莊伍祐等七場埭場俱係竈業

所有新淤沙蕩自應按各本場竈戶現在埭池面

口勻派給陞至草偃小海新興三場及廟灣一場

應請無論爲商爲竈俱按現在煎辦埭餉均勻酌

配管業無埭餉者雖係竈籍不准給陞則場商之

自置埭餉者俱各有草可刈不須重價購買倘恐

日久商佔竈業則令地隨埭餉轉移如該商埭餉

歇開卽將原給蕩地另給接開之人倘版籍竈戶



向不業煎者肯自置埤繳辦鹽查淤地甚多因草未旺盛未經全文嗣後草漸蕃庶亦卽照例撥給應如所奏辦理從之

二十一年准河東借買蘆鹽配運接濟河東每年額餘引張共五十八萬三千一百三十八引應配鹽四千八百五十九名是年河東鹽政西寧奏稱六七等月陰雨連綿收鹽歉薄除收獲鹽勛配運之外尙不敷鹽二千四百名懇借買長蘆餘鹽一千五百名仍用河東額引運接濟附近之豫省汝州

等州縣及晉省潞澤等府屬按地行銷卽將河東收獲應配晉豫二省鹽勛就近改撥陝省嗣後不得援以爲例疏上報可嗣是累年皆以池鹽不敷配運借買蘆鹽接濟俱經部覆准行

議准粵東海康等縣場埠事務統歸官辦粵東場產鹽勛例係動帑收買轉給各商配埠行銷原屬官爲經理惟雷屬海康遂溪徐聞三縣向未設場員一切場埠事務俱交商人承辦據兩廣總督楊應琚奏稱自各商經辦以來未能撫恤竈戶重



收鹽筋近復無力養竈漸致田塌荒殘竈丁失業  
請一體改歸官辦其埠務亦現乏殷商承充部議  
應如所請統歸各縣管理從之  
又議准增復河東餘引河東鹽政西寧奏稱河東  
從前每年請領餘引二十四萬道嗣因積鹽過多  
壅滯難消于乾隆十六年奏請將續增四萬道暫  
爲酌減乾隆十八年經前任鹽政薩哈岱以從前  
積鹽銷完商力稍紓奏請酌復餘引二萬道今積  
鹽久已銷完商力亦覺漸紓各地方旣經暢銷請

將從前酌減餘引二萬道照舊增復從之

二十二年加准鹽每引十筋以二年爲限奉

諭旨兩淮商衆銷引辦課歲額通完而于地方公事更  
樂輸恐後著加恩自丁丑綱爲始綱鹽食鹽每引加  
賞十斤不在原定成本之內以二年爲限庶民食足  
而商力亦紓以示恤商愛民之意

又以河東鹽池歉收准運蒙古鹽筋接濟戶部議  
覆山西巡撫塔永寧等奏言本年河東池鹽不敷  
配運伏查太原府屬之崞嵐州等一十八州縣皆



因相距河東千有餘里馱運維艱向無官鹽到此而地近沿邊所以俱買食蒙古之鹽百姓便安已久此十八州縣之民既准買食蒙古之鹽則其餘州縣之民偶因不足暫時通融亦得仰請援照事同一例查河東運發陝省鹽劬由黃河運入渭河向來船筏行之已久今自澄口裝載由黃河運至河津縣蒼頭鎮順流而下計程不過二千餘里且鹽劬運回必須由河保營等處按票查驗然後放行進口一路經由地方均可按票稽查其包頭地

方交易仍轉飭薩拉齊通判就近約束無許滋擾應令理藩院轉行鄂爾多斯貝子吳喇忒公綏遠城建威將軍將所買鹽劬照依時價公平交易不得高擡居奇致滋勒措并令該管蒙古將山榷小木售賣商人以備船筏行運各商亦勿得借端私販木植得

旨如議行

二十三年修築河東鹽池以資澆晒山西巡撫塔永寧河東鹽政那俊奏言河東鹽池畦地為產鹽



之本引課之源三省民食攸繫今爲水所淹沒急須修築請于池北築堰一道外禦南面之汪洋而屏乾堰內之水使復舊畦仍開涵洞以資澆晒其餘地有可墾者多開新畦添補不足部議應如所奏借給耗羨銀兩興工修築從之

又定兩廣鹽務章程大學士忠勇公傅恒等議覆戶部侍郎吉慶署兩廣總督李侍堯條奏兩廣鹽務章程一改設引目以定課程也查粵省鹽法正鹽之外又有正額餘鹽額外餘鹽子鹽耗鹽花紅

餘鹽等項正餉之外又有正鹽場羨餘鹽場羨埠羨額外餘鹽場羨七折埠羨三封掛一鹽價子鹽京羨花紅額溢羨餘等項名目紛雜官吏易于牽混請照每年各色餘鹽勛數所納羨餘銀數核計改爲額引按引輸課實屬簡便易行而于各省鹽法亦歸畫一應改設額引一十七萬六千六百九十五道併入現行六十萬四千一百三十二道額引之內又給餘引五萬道以備接濟卽自乾隆己卯年爲始按數行銷一嚴緝私處分以杜私梟也



查粵西巡查私鹽立法未嘗不善無如相沿日久  
視爲故套間獲一起多係有鹽無犯又以積少成  
多爲場員開脫處分嗣後地方官承審私鹽案件  
必須究其來自何場審明實在數目卽將場員照  
鹽法透漏成例議革如有仍聽多開人犯巧脫罪  
名者將承審官嚴加議處一官辦各埠宜全行改  
歸商辦也查粵西官辦之埠拖欠餘羨銀兩反多  
于商埠且商人行鹽等弊賴地方官稽查惟至官  
辦誰復爲之查察自應照依平樂等埠一例召商

領引辦課至廣東之博羅等埠亦應令該督作速  
召商承頂一禁攙和定價值以通商竈也查竈丁  
煎晒鹽勛資本微細一經虧折則攙和鬻私之弊  
必多是欲杜弊端必先恤竈戶應于歉收之年按  
場竈情形生鹽每包加價二分至五分不等熟鹽  
每包加價四分至八分不等使竈力稍裕則積弊  
可以漸除但加價之後仍當不時稽查如仍有攙  
和泥沙等弊卽行查拏究治場員照例叅處從之  
又定買運蒙古鹽勛事宜戶部議覆山西巡撫搭



永寧等奏稱蒙古運鹽交商領買馱運之地遠近不等今查鄰近包頭之薩拉齊廳并托克托城與陝西之皇甫川皆離水次甚近卽陝省神木縣離水次亦止一百餘里該員勒旣情願分運至四處地方與商貿易應准定以四處爲蒙古商人交易之所至蒙古鹽斗每斗四十觔有奇今買運蒙古鹽觔彼此必須用牲口馱運若不酌增價值不敷食用請按向日與民間交易至重之價每斗酌定價銀二錢四分令較準鹽斗印照給發各處自今歲

至明年正月運足三萬石以資接濟其餘鹽十三萬石零統限于八月內運完向來鹽觔入口止于殺虎口河保營皇甫川三處水陸稅口上稅卽聽其散往各處售賣應給發印票以便稽查得

旨如議行

二十四年以河東池鹽歉收准配銷花馬大小池等處鹽觔接濟河東鹽政薩哈岱奏言河東池畦被水收鹽無幾所有山陝兩省民食全賴蒙古鹽觔以資接濟奈急切不能運到民間待食孔殷伏



查甘肅寧夏府靈州所屬之惠安堡共計鹽井四百餘眼除配運平慶寧各府屬本引之外向有積鹽餘剩並附近之花馬小池蓮花爛泥狗澗等池收鹽豐裕較勝往時分多潤寡實于課食有益再陝省延安府屬定邊縣之大花馬池產鹽亦裕但山路險僻馱運艱難成本不無多費然蒙古鹽觔未到之先亦宜令商人備資赴買以濟配運不敷之處部議應如所請飭商自備資本前往買運以濟民食仍照長蘆之例給發護票以杜私販至所

買之鹽配河東之引輸河東之課所有本省課稅自應免其重複徵收得

旨如議行

議在粵西南寧等府土民鹽觔仍歸官辦粵西南寧等府屬土民卽苗獞之類住居深山窮谷向隸土司管轄與漢人不相往來從前俱係買食交趾鹽觔嗣因改設流官分轄每年分撥土司餘鹽四千三百九十四包照各府首邑鹽價每觔減去四五六釐不等專責該管知府領運轉發土司官運



皇朝文獻通考 卷二十九  
鹽  
回銷售繳納價羨旋因粵省官埠欠課經侍郎吉慶等奏請將官運各埠招商定引十司鹽劬亦應一體改引以歸畫一是年兩廣總督李侍堯奏該處每年領銷餘鹽僅止四千三百九十餘包合引二千八百四道零爲數無幾若與民人書辦理該土司素食賤鹽非其意所樂從且苗獮與漢人素不相往來未便以銷鹽細故遽令商人前往交售致啟漢奸交通之漸所有南寧等府土司領銷鹽劬仍歸官運免其改設引目部議應如所奏辦

理仍令該督責成知府領運轉發稽查銷解不得于額銷鹽包之外再請餘鹽以杜價輕易致別埠影射之弊疏上報可

又酌撥淮鹽食引于綱地行銷戶部議兩淮鹽政高恒奏江甘高寶泰等州縣壅積食引請改撥綱地融銷查兩淮行鹽口岸通融改撥例有明禁且江甘二縣逼近場竈尤爲私鹽充斥之所若派撥綱地非特私鹽愈滋透越將見綱鹽口岸悉爲食引所佔殊于鹽法有碍應將該鹽政所請之處無



庸議奉

諭旨高寶等十四州縣著照該鹽政所請行其江都甘泉二縣照部議不准撥網行銷

又准滇省添買粵鹽撥給彌勒州行銷雲南省城鹽店每年應收黑井等處鹽九百三十餘萬觔聽各舖販領賣于昆明嵩明彌勒十六州縣行銷其開化廣南二府地方每年買粵鹽一百四十萬觔分運銷售巡撫劉藻以近年生齒日繁兼秋成豐稔鹽觔較前多銷請添買粵鹽三十萬觔酌撥附

近廣南之彌勒州行銷其應支鹽價及帶買耗鹽等項悉照從前買運成例辦理統于銅鹽互易案內抵兌如有不敷核明應找價值數目支給報部至添買鹽觔卽令委買本年粵鹽之員帶運回滇撥給行銷所有賣出鹽價除還原借銅息銀兩卽將盈餘數目隨本年報銷案內一并造冊送部查核從之

二十六年議准籌辦河東鹽務事宜大學士忠勇公傅恒等議覆巡撫鄂弼鹽政薩哈岱等奏辦鹽



皇朝文獻通考 卷二十九  
務事宜查河東鹽務自鹽池被淹以來產鹽既少  
不敷配運應准其所請將二十五年額引寬至來  
年六月清繳俾得漸次疏銷續增餘引十四萬道  
之內暫行停領七萬道現今鹽價之外每劬酌增  
一釐至該鹽政另摺所奏遴取殷商頂補引地不  
過一時補救之計在該鹽政惟當以經理鹽池爲  
急務鹽池之產鹽果旺商賈之人惟利是趨不必  
勉強遴取而自爭先恐後矣至于近歲收買蒙古  
鹽劬甚屬有限惟小民之貿易出口者或以布帛

烟茶互相抵換往來既便私販日多在目下鹽少  
之時禁之過嚴則有妨民食而將來鹽多之際查  
之不力則有碍官引又當因時制宜悉心籌畫務  
祈河東鹽務日就整頓以仰副我

皇上軫念至意疏上如議行

又議定兩淮鹽法七條奉

諭旨兩淮鹽務浩繁商力不無拮据如預提餘引一事  
從前吉慶係派之通綱而普福高恒則擇其奮勉辦  
事者以爲酬獎之地其中卽不能允協羣情其應作



何定立章程著軍機大臣會同尹繼善吉慶高恒等  
詳悉妥議具奏尋議一擬派餘引宜均攤衆商以期  
普沾利澤一外支銀兩除公務應用不得濫行開  
銷一辦理常貢宜酌定用數以備查核一鹽政養  
廉宜裁減五千歸之公項一匣商費用宜嚴加查  
察以免通網派累一綱食鹽引宜照例行銷不得  
濫爲通融一私鹽透漏宜嚴加查緝以疏引目從  
之  
又

勅准長蘆未完鹽課分作五年帶征奉

諭旨戶部議駁長蘆鹽政金輝鹽課緩徵一摺自屬按  
例定議但念該處鹽場今秋雨水過多商力未免稍  
艱著加恩將長蘆本年未完鹽課四十二萬兩准其  
緩至明年奏銷後分作五年帶征以示體恤

二十七年停止粵東茂暉等場墾闢鹽場先是兩  
廣總督楊應琚疏請墾闢鹽場奏准行知嗣因沙  
土鬆浮一遇大潮風雨其圍易于坍塌以致旋作  
旋輟現在開成場塌僅存一百八十三口每年可



收鹽三千包餘皆罷廢應准其停止其築成鹽埧行令該督造具應陞課銀清冊報部所收鹽勛歸官收買以資配運從之

二十九年准長蘆鹽政奏增蘆鹽價值大學士忠勇公傅恒等議准長蘆鹽政高誠疏奏長蘆物價近年增長繩巾蓆片車船脚費逐歲加增辦課辦運每多拮据除天津係公共口岸衆擎易舉無庸增價外其餘請照各州縣地方原定鹽價每勛加增制錢一文以資行運在小民每人每月食鹽不

及一勛以一月之內多用制錢一文實無所累而商免虧本之累民無淡食之虞應如所奏以收因時調劑之益從之

又加給滇省黑白二井薪本銀兩戶部議覆雲南巡撫劉藻奏言滇省黑白二井自十八年釐定章程以後兩井合計每年多辦餘鹽一百二十餘萬勛產鹽甲于通省該二井取給薪柴于百里之外運價較前倍蓰與各井情形迥有不同請將黑井之大東復三井應煎額鹽每百勛添給薪本銀一



皇朝文獻通考 卷二百九  
錢白井所煎正額沙鹵鹽每百觔添給銀一錢五分即于該二井續辦收買及白井所管之安豐井餘鹽息銀內動支以二井額外之有餘補二井竈戶之不足于民食大爲有裨應如所奏從之

二十九年准兩淮鹽政奏預提乙酉綱引給商接濟兩淮鹽政高恒奏兩淮行鹽各省年穀屢豐銷售甚暢現辦甲申一綱計算不敷民食請預提乙酉綱淮南鹽引三十萬道淮北鹽引十萬道分給領運以裕民食戶部議查兩淮每年行銷綱引共

一百六十八萬五千四百九十二道先于乾隆十一年據前任鹽政奏請預提綱鹽每年可銷若干先期約數咨部請領經臣部議覆准行嗣後歷任鹽政按年酌數請領行銷自二十萬至三四十萬不等今該鹽政奏預提乙酉綱引四十萬道應如所請照數給商領運從之

又准長蘆鹽課奏銷展限一月長蘆鹽政高誠奏長蘆各商本年領借帑項運鹽較遲鹽價未及歸回而奏銷已屆酌請暫展一月于十一月舉行以



紓商力得

旨如所請行

三十年准兩淮鹽政奏預提丙戌綱引給商接濟  
兩淮鹽政高恒奏請預提丙戌綱淮南綱引二十  
萬道以裕民食戶部議如所請從之

又令河東額外存鹽照淮揚之例配用餘引以濟  
民食奉

諭旨據李質穎奏河東本年收鹽配引足額外尙存鹽  
三千二百名有零令各商加謹收貯以備將來不敷

年分等語鹽勦收貯過夏易致滷耗該處池鹽何以

獨能久貯留待將來補用河東邇年產鹽旣旺照額

暢銷之外尙有盈餘或可將此項存鹽仿照淮揚之

例配用餘引以濟民食較貯積陳因不更妥協乎著

傳諭李質穎確按彼處情形悉心籌畫據實奏聞嗣

河東鹽政李質穎奏請先酌復餘引三萬道自三

十年爲始赴部補領仍察看情形如有鹽引不敷

之州縣卽行奏請給引領運從之至三十一年復

請復餘引二萬道給商領運



又酌增山東行鹽餘票山東原設額票一十七萬一千七百四十道雍正八年增餘票五萬道乾隆元年復增一千五百道五年六年復增一萬五千道至是長蘆鹽政高誠奏山東濱海行銷票鹽各州縣鹽劬日加暢銷恐將來不敷接濟請再增餘票一萬五千道以本年請領丙戌綱票引為始所銷之票按數納課戶部議應如所請從之

三十一年准兩淮鹽政奏預提丁亥綱引給商接濟兩淮鹽政普福奏請預提丁亥綱淮南鹽引二

等十萬道淮北鹽引五萬道以裕民食戶部議如所請從之  
三十二年

諭朕此次臨幸天津該商等趨事赴公頗稱踴躍因念長蘆通綱引課每年十月內奏銷正值銷售茶鹽之時鹽價未及收齊而奏限已屆商力未能舒徐著將長蘆通綱鹽課嗣後改至十一月底奏銷俾得從容完納以示體恤

三十五年兩淮鹽政尤拔世奏淮南北各場春夏



多雨場鹽歉產各口岸亦多被水行銷不暢請將  
崇己丑綱奏銷展至八月題報經部議駁得

旨著照所請行

又

諭兩浙商人聞朕允直隸臣民之請恭奉

皇太后安輿巡幸天津情殷愛戴籲懇巡撫熊學鵬代奏

攜衆赴津抒誠祝

嘏奏到時伊等業已在途情詞誠切茲蹕途所至見該商  
等歡忻踴躍忱悃可嘉自應量加恩賚著將每引額

定鹽觔外加鹽五觔免其輸納課項以一年爲滿俾  
商力益臻饒裕

三十六年

諭上年夏間天津等處因雨水過多被災較重業經疊  
降諭旨動撥銀米蠲賑頻施黎民幸無失所第念長  
蘆鹽地同時亦被淹浸該商等工本不無稍虧旣仍  
照常納課又不能與貧民一體沾恩未免向隅今翠  
華臨莅深悉該處情形且諮訪錢價較前更爲平減  
雖去歲曾加錢價現在商力仍覺拮据著加恩每觔



再暫加錢一文以降旨之日爲始定限一年仍照舊值行銷俾資充裕以副因災恤商之意

又

諭山東引票各商自乾隆十六年至三十一年尙有積滯未銷之鹽六十餘萬包課項俱已隨引清完而鹽包仍須陸續運售加以按年輸納正課商力未免拮据著加恩將乾隆三十五年應征欸項除雜項錢糧照舊交納外所有正課銀十八萬三千八百五十兩零分作八年帶征俾各商益資寬裕

又

諭前以長蘆鹽地去夏偶被水淹且詢知今年錢價較前更爲平減因降旨准將鹽價暫加錢一文以一年爲限仍照舊值行銷茲臨蒞山東聞該商歷年引課無欠而積鹽仍有未銷經降旨將乾隆三十五年應征正課分作八年帶徵第念東省錢價亦甚平減著再加恩准照長蘆之例每斤暫加錢一文以奉旨之日爲始定限半年俾商力益資充裕

三十八年



諭長蘆商衆貨業素微前兩次巡莅天津閱視鹺務深  
悉其情是以節次加恩增價俾不致有墊累並將乾  
隆三十六年引課分作三年帶徵以紓商力今翠華  
臨幸各商無不踴躍歡呼但念伊等第一次銀兩業  
已完交而第二限帶徵之銀與本年正課同時並納  
仍不免少形竭蹶著再加恩將三十七年正餘課項  
自三十八年奏銷後起分限六年帶征俾紓商力益  
臻充裕以示格外體恤

三十九年戶部議覆山西巡撫覺羅巴延三河東  
鹽政瑞齡奏大池產鹽不敷配運請開六小池並  
撥運蘆鹽接濟應如所請將原封六小池開濬仍  
將貯鹽處所堅固築垣以防透漏並令長蘆鹽政  
知會河東飭商買運從之

又長蘆鹽政西寧奏商力微薄請將乾隆三十六  
年第三限銀兩並三十七年六限銀兩統俟本年  
奏銷後分限十年帶征經部議駁得

旨允行

又四川總督文綬奏請犍爲縣開淘鹽井照例征



皇朝文獻通考 卷二十九  
收課銀從之

百六文

諭據李質穎奏今歲黃河漫堤淮安一帶鹽堆被浸該商成本虧缺商力未免竭蹶請將甲午綱除已完正課外其未運引鹽應完正課銀兩分限征收等語著照所請將淮北未運綱食引鹽應完正課銀二十七萬五千餘兩加恩准其自乙未綱起分限五年帶完以紓商力

四十年兩淮鹽政伊齡阿奏請預題丙申年淮南

綱引二十萬道給商接濟以裕民食戶部議如所請從之

又

諭兩淮鹽課例限次年二月奏銷前以乙亥己丑兩綱該處鹽場歉收是以准其展至八月今乙未綱奏銷復請展限該部議駁但念該處場竈偶被旱災商力不無拮据加恩將乙未綱准其展至明年八月造報至稱淮北各商上年被水辦鹽實多竭蹶請將丙申以後四綱帶完銀二十二萬餘兩展限完納之處並



加恩展限四年分作八年完納以紓商力  
署山西巡撫覺羅巴延三等奏請將河東暫增二  
釐鹽價再展二年經部議駁得  
旨戶部議駁巴延三等奏河東暫增二釐鹽價再請展  
限三年之處毋庸議一摺自屬照例辦理但念該處  
場價未平其小鹽池六處甫經開採接濟所得贏餘  
未能補足前兩年歉收之數商力不無拮据著加恩  
照該撫等所請將從前暫增二釐鹽價再行展限三  
年俾轉運益資充裕

四十一年

諭朕因兩金川蕩平奏凱恭奉

皇太后安輿臨莅山左詣

代山拈香告成

闕里所有東省商衆祇候迎鑾用宜特沛渥恩俾沾  
慶澤著加恩將山東商人本年應征乾隆四十四十  
一兩年引票正項銀三十六萬七千七百餘兩又未  
完借項銀二十四萬兩自本年奏銷後起限分作八  
年帶征以示優恤



四十三年

諭河東鹽政與山西巡撫因各有專司未免意存畛域于鹽務每多掣肘因思河東鹽政事務本簡非兩淮長蘆可比竟不如令山西巡撫兼管至一切鹽務原有運使專辦今得該撫統轄俾事權歸一呼應更靈並著為令

四十五年

諭朕巡幸江浙道經畿輔長蘆商眾踴躍抒忱用宜一體加恩俾沾慶澤著加恩將長蘆商人應征乾隆四

十四年分鹽課銀五十餘萬兩內十分之一分作五年帶征俾商力益資饒裕

又

諭朕此次巡幸江浙踴途經過直隸山東地方其長蘆商人業經加恩緩征課項所有山東商人並著加恩將乾隆四十五年應征票引鹽課銀八十萬餘兩自本年奏銷後起限分作六年帶征以示優恤

四十七年

諭淮南商人應繳提引餘利銀兩前經降旨加恩將未



皇朝文獻通考 卷二十九  
完銀展期遞緩分作三十一限繳完今該商人已完  
至第十三限其餘八限尙應交銀三百八十六萬六  
千餘兩此項提引餘利弊由高恒而起該商等按限  
完交已經過半朕思恤商卽所以惠民著加恩于未  
完銀內豁免二百萬兩其餘一百八十六萬六千餘  
兩仍著按原限完繳以示體恤

四十九年

諭朕翠華南幸取道淮揚兩淮商衆踴躍抒忱自應特  
沛恩膏俾沾慶澤所有該商等提引餘利銀一百六

十三萬二千七百七十四兩零著加恩全行豁免俾

淮揚商衆益資饒裕

又

諭朕此次南巡勤求民隱翠華所莅慶典時行因念兩  
淮竈戶僻處海濱亦應一體加恩俾得均沾渥澤所  
有乾隆四十五四十六等年各場因灾帶征遞緩未  
完銀七千九百餘兩著加恩全行豁免

又

諭朕鑾輅時巡普施慶惠長蘆山東南商衆踴躍抒忱自



皇朝文獻通考 卷二十九  
應一體加恩俾沾渥澤所有長蘆應徵引課銀四十  
九萬餘兩山東應徵引課銀三十六萬餘兩著加恩  
分作八年帶征俾商力益資饒裕

又戶部議覆兩廣總督舒常奏粵東鹽務經尙書  
福康安會同福州將軍永德于審辦譚達元控告  
總商沈冀川案內查出各商逾限未完鹽價銀一  
十八萬七千三百餘兩皆由輓轡轉運各商完舊  
掛新陸續拖欠且因總商派捐津貼銀兩散商有  
所藉詞遂至積少成多力難併納請照乾隆二十

三年清查積欠成例分限帶徵如數在一千兩以  
內者分別定限自四箇月起至八箇月止勒令全  
完自一千兩至二千兩者限一年帶完自三千兩  
至四千兩者限一年半帶完自五千兩至一萬以  
內者限二年半帶完王昌龍名下埠地較多欠數  
繁重應請限五年帶完等語臣等伏思粵東鹽務  
自乾隆二十四年查辦以來仰蒙

皇上天恩先鹽後課俾得轉輸獲利各商等自應急公  
報効乃經理不善掛欠鹽價至如許之多若一時



遽議紛更轉于公事無益應如所奏照乾隆二十三年清查積欠成例分限帶征勒追還款仍令該督轉飭運使將應完銀數按月追繳倘有不實力急公仍前拖欠者即將該商加倍治罪並將承追不力各員照例叅處該督仍隨時通飭文武員弁實力緝私俾得暢銷官引又稱總商之設原因督辦查催必需有人承總方得無誤課程前因沈冀川倡議派捐以致衆情不服今一面詢散商均稱辦理奏銷督催餉項必須專責總商請應仍循其舊

查粵省設立總商原因督催餉課承辦奏銷乃積久弊生遂有收捐津貼致成派累今既清釐積弊自應一併革除況運使及場員皆專司鹽務地方官又有承催鹽課不力處分該督果實力督辦不患不年清年款何必因循陋習復立總商致滋勒派之漸從之

五十年

諭全德奏海州分屬板浦中正臨興三場因去冬今春雨澤愆期晴乾日久產鹽有限請將乙巳綱應征錢



糧懇恩緩征著照所請所有該甯戶等應輸乙巳綱錢糧著加恩至本年秋場產旺後再行征收以紓商力

十二月山西巡撫伊桑阿奏請將河東續增二整鹽價作為定額經部議駁得

旨戶部議駁伊桑阿奏河東運鹽成本不敷請將續增二整作為定額一摺固屬照例辦理第念河東池鹽全係陸運需費浩繁今戶口日增物價胥貴則運鹽之食物腳價較之往年自必有增無減該撫既稱現

增之價不致有妨民力而該商等亦藉得少為舒展著照所請將續增二整鹽價加恩准作定額以紓商力



皇朝文獻通考卷二十九





